

50  
58

«ՀԱՍՏԱՏՈՒՄ ԵՄ»

ՀՀ ԳԱԱ Մ.Քոթանյանի անվան  
Տնտեսագիտության ինստիտուտի տնօրեն,  
ՀՀ ԳԱԱ թղթակից անդամ,  
տնտեսագիտ. դոկտոր, պրոֆեսոր



Վ.Լ. Հարությունյան  
19 հունիսի 2020թ.

**Կ Ա Ր Ծ Ի Ք  
ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ**

Էսթեր Աշոտի Հակոբյանի «Ստվերային տնտեսության ծավալների գնահատումը և կրճատման մեխանիզմները Հայաստանի Հանրապետությունում» թեմայով ատենախոսության վերաբերյալ՝ ներկայացված Ը.00.02 - «Տնտեսության, նրա ոլորտների տնտեսագիտություն և կառավարում» մասնագիտությամբ տնտեսագիտության թեկնածուի գիտական աստիճանի հայցման համար

*Մասնակցում էին՝ Վլադիմիր Հարությունյան՝ ՀՀ ԳԱԱ թղթակից անդամ, տնտեսագիտ. դոկտոր, պրոֆ., Ռոբերտ Սարինյան՝ տնտեսագիտ. դոկտոր, պրոֆ, Տիգրան Հարությունյան՝ տնտեսագիտ. դոկտոր, դոցենտ, Քրիստինե Բաղդասարյան՝ տնտեսագիտ. թեկնածու, դոցենտ, Մերի Մանուչարյան՝ տնտեսագիտ. թեկնածու, Սվետլանա Դալլաքյան՝ տնտեսագիտ. թեկնածու, Լիլիթ Սարգսյան՝ տնտեսագիտ. թեկնածու, Բելլա Գաբրիելյան՝ տնտեսագիտ. թեկնածու, Գևորգ Հարությունյան՝ տնտեսագիտ. թեկնածու, Տաթևիկ Փարսադանյան՝ տնտեսագիտ. թեկնածու, Գրիգոր Մանուկյան՝ տնտեսագիտ. թեկնածու, Եվգենյա Հակոբյան՝ տնտեսագիտ. թեկնածու, Շողեր Պողոսյան՝ տնտեսագիտ. թեկնածու*

**ԱՏԵՆԱԽՈՍՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ**

Տնտեսության զարգացման յուրաքանչյուր փուլում կայուն տնտեսական աճ ապահովելու համար առանցքային նշանակություն ունի ստվերային տնտեսության ծավալների կրճատումը:

Տնտեսական հարաբերությունները պատկանում են առավել բազմաբնույթ և բարդ կատեգորիայի, որի հիմքում հասարակության մեջ արտադրության բոլոր փուլերի փոխհարաբերությունն է՝ հոգևոր և նյութական արժեքների ստեղծումը:

Ստվերային տնտեսությունը տնտեսական հարաբերությունների ածանցյալն է: Ամբողջ աշխարհում, գործունեության տարբեր բնագավառներում, ստվերային տնտեսության ծավալները և կրճատման ուղիները ուսումնասիրման առարկա են և գտնվում են գիտական հետազոտությունների շրջանակներում:

Հիմնական վիճահարույց հարցերի շարքում ներառված է սահմանման, բովանդակության, ինչպես նաև ստվերային հարաբերությունների դրսևորման ձևերի և ուղղակիորեն այդ հարաբերությունների վերափոխման առանձնահատկություններին վերաբերող հարցը:

Կա հաստատված անհերքելի կարծիք, որ ստվերային տնտեսության բարձր ցուցանիշները վտանգ են ներկայացնում պետության զարգացման, առաջընթացի համար: Շատ առումներով, դրա չափը որոշվում է պետական կառավարման այն մոդելի կողմից, որը զարգացել է տվյալ երկրում: Ստվերային տնտեսության զարգացման մակարդակը կախված է ինչպես տվյալ երկրի քաղաքական, սոցիալ-տնտեսական շահերի առանձնահատկություններից, այնպես էլ իրավական և օրենսդրական դաշտի կարգավորումներից:

Այսօր ստվերային տնտեսությունը և դրա մասշտաբի գնահատումը հրատապ խնդիր են Հայաստանի Հանրապետության հետագա զարգացման համար: Անցումային շրջանի առանձնահատկությունների պատճառով սոցիալական, քաղաքական և տնտեսական խնդիրները, ինչպես նաև մեծ թվով արտաքին գործոնները դժվարություններ են առաջացրել Հայաստանում ստվերային գործունեության իրական ծավալները որոշելու համար: Վերը նշվածի առումով էսթեր Աշոտի Հակոբյանի ատենախոսության թեմայի՝ «Ստվերային տնտեսության ծավալների գնահատումը և կրճատման մեխանիզմները Հայաստանի Հանրապետությունում» ընտրությունը խիստ արդիական է:

**ԱՏԵՆԱԽՈՍՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ.**

Ատենախոսության հետազոտության նպատակն է բացահայտել երկրի ստվերային երևույթների բացասական ազդեցությունները երկրի տնտեսության զարգացման գործընթացում, ինչպես նաև մշակել ՀՀ-ում ստվերային տնտեսության ծավալների նվազեցմանն ուղղված մի շարք առաջարկություններ:

Այդ նպատակի իրագործման համար աշխատանքում դրվել և լուծվել են հետևյալ խնդիրները.

- ✓ վերլուծել «ստվերային տնտեսություն» կատեգորիային առկա տեսական մոտեցումները եւ իրականացնել դրանց համեմատական վերլուծությունը,
- ✓ համակարգել ստվերային տնտեսության ծավալների որակական եւ քանակական գնահատման հիմնական մեթոդաբանական սկզբունքները,

62  
60

- ✓ ուսումնասիրել ստվերային տնտեսության առաջացման նախադրյալները և դրա հետ կապված միջազգային փորձը,
- ✓ բացահայտել ստվերային տնտեսության բնույթը, տեսակները եւ ձեւերը,
- ✓ գնահատել ստվերային տնտեսության հետեւանքները սոցիալ-տնտեսական գործընթացներում,
- ✓ ուսումնասիրել ստվերային տնտեսության առանձնահատկությունները եւ դրանց դրսևորումները ՀՀ-ում,
- ✓ վերլուծել ստվերային տնտեսության պատճառները ՀՀ-ում,
- ✓ սահմանել ստվերային տնտեսության դերը եւ նշանակությունը ՀՀ-ում,
- ✓ զարգացնել ստվերային տնտեսության մակարդակի կրճատման ուղիները, ինչպես նաեւ ներկայացնել Հայաստանում նրա ծավալների նվազեցմանն ուղղված մեխանիզմների մի շարք առաջարկություններ:

### **ՀԻՄՆԱԿԱՆ ԳԻՏԱԿԱՆ ԱՐԴՅՈՒՆՔՆԵՐԸ ԵՎ ՀԵՏԱԶՈՏՈՒԹՅԱՆ ՆՈՐՈՒՅԹԸ**

Ատենախոսական հետազոտության գիտական նորույթ պարունակող ամենակարևոր արդյունքները հետևյալն են՝

1. Սահմանվում են «ստվերային տնտեսության էֆեկտների» վրա առավել մեծ ազդեցություն ունեցող գործոնները եւ առաջարկվում է գործարար միջավայրի վրա բացասական ազդեցությունը կարգավորող մոտեցում:
2. Հայաստանի Հանրապետության ստվերային տնտեսության ծավալները գնահատվում են Տանզիի մեթոդի կիրառմամբ, որը հիմնված է ազգային արժույթի պահանջարկի էկոնոմետրիկ մոդելի վրա: Հաշվարկվել է ազգային արժույթի ավելցուկային պահանջարկը, որը հաշվարկվում է որպես գնահատված դրամական պահանջարկի եւ զրոյական հարկերի դեպքում դրամական պահանջարկի միջեւ տարբերություն:
3. Հաշվարկվել է ստվերային տնտեսության հետևանքով պետական բյուջեի չստացված հարկային եկամուտների ծավալը: Կատարվել է Տանզիի եւ Գուտմանի մեթոդով ստացված ցուցանիշների համեմատական վերլուծությունը:
4. Բացահայտվում է ստվերային տնտեսության առաջացման վրա ազդող գործոնների համակարգը, ստվերային տնտեսության դեմ պայքարի նոր օրենսդրական եւ ինստիտուցիոնալ առաջարկներ են արվում:

63  
61

## ԱՏԵՆԱԽՈՍՈՒԹՅԱՆ ՀԻՄՆԱԿԱՆ ԲՈՎԱՆԴԱԿՈՒԹՅՈՒՆԸ

Ներածությունը նվիրված է թեմայի արդիականության, ուսումնասիրության նպատակին և խնդիրներին, ներկայացված են գիտական նորույթը և եզրահանգումները, ինչպես նաև գործնական արդյունքները և առաջարկությունները:

**Արենախոսության առաջին՝** «Սովերային տնտեսության կատեգորիայի տեսական մոտեցումներ» գլուխը կենտրոնանում է սովերային տնտեսության դասակարգման վրա, վերլուծվում է այդ խնդրի վերաբերյալ գիտական գրականությունը, ինչը հանգեցրել է այն եզրակացության, որ այսօր չկա մեկ ամփոփ սահմանում՝ «սովերային տնտեսություն» հասկացության էության վերաբերյալ: Ըստ 1993 թ. ՄԱԿ-ի մշակված մեթոդաբանության, սովերային տնտեսությունը ենթադրում է հետևյալ արտացոլումները.

ա) գաղտնի՝ գործունեություն, որը պաշտոնապես հաշվի չի առնվում, բայց օրենքով թույլատրված է ձևավորված ընթացակարգերի և կառույցների շրջանակներում,

բ) ոչ ֆորմալ՝ օրինականորեն թույլատրված գործողություններ, բայց դրանից դուրս ձևականացված հարաբերություններ և ընթացակարգերը,

գ) ապօրինի՝ օրենքով արգելված գործունեություն:

Այս գլխում հեղինակը դիտարկում է սովերային հարաբերությունները նաև տնտեսական համակարգում վերափոխումների դրական գործոնի տեսանկյունից: Տնտեսական անկման, կենսամակարդակի նվազման ժամանակահատվածում ավանդական ոլորտների գործունեության մեջ սովերային տնտեսությունը շուկայական նոր նիշերի ստեղծման կարևորագույն նշանակություն ունի, որն օգնում է ապահովել տնտեսվարող սուբյեկտների գոյատևումը: Զարգացող սոցիալական խնդիրները լուծելու համար որպես այլ գործոն կարելի է առանձնացնել նաև ոչ պետական ֆինանսական բազայի ձևավորման գործառույթը:

**Արենախոսության երկրորդ՝** «Եվրոպական երկրներում սովերային տնտեսության հետ պայքարի փորձը» գլուխը, նվիրված է եվրոպական երկրների սովերային տնտեսության ծավալներին, կրճատման մեթոդներին և հարկային դաշտի ուսումնասիրությանը: Ներկայացվել է եվրոպական երկրներում սովերային տնտեսության հետ պայքարի գործիքակազմը, որն իր մեջ ներառում է ուղղակի և անուղղակի մեթոդներ: Այդ մեթոդների մեջ կարելի է առանձնացնել կանխիկի շրջանառության կրճատումը, էլեկտրոնային վճարումների ավելացումը, դրամական ավանդների խթանումը, հասարակության գիտակցության մեջ «խղճի խայթի» ձևավորումը: Ատենախոսության մեջ հետազոտվել է նաև սովերային տնտեսությունը ազգային հաշիվների համակարգում: Հատկանշական է առանձնացնել Եվրոստատի կողմից մշակված «Աղյուսակական մոտեցում՝ ամբողջական ծածկույթի ապահովման

64  
62

համար», որն օգնում է համակարգված գնահատել ստվերային տնտեսության բոլոր հնարավոր աղբյուրները:

**Արեւնախոսության երրորդ՝** «Ստվերային տնտեսությունը ՀՀ-ում» գլխում հեղինակը ուսումնասիրում է ստվերային տնտեսության զարգացման պատճառները Հայաստանի Հանրապետությունում, մանրամասն ուսումնասիրելով հարկային բեռի ազդեցությունը, կոռումպացված գործելակերպերը, պետական ինստիտուտների կայացման ազդեցությունը: Շեշտվում է նաև ստվերային տնտեսության ճիշտ հաշվարկման անհրաժեշտության պատճառները՝ տնտեսական քաղաքականության միջոցները կարող են սխալ կիրառվել և ունենալ չնախատեսված ազդեցություն, ստվերային տնտեսությունը կարող է նաև հանգեցնել գործազրկության և գնաճի վերագնահատման:

Ստվերային տնտեսության բացասական հետևանքները հետազոտելուց զատ հեղինակը նշել է նաև այն դրական դերը, որը նա խաղացել է հատկապես Հայաստանի տնտեսության կայացման վաղ փուլերում: Հաշվարկվել է ստվերային տնտեսության ծավալները երկու մակրոտնտեսական մեթոդների կիրառմամբ, իրականացվել է ստաժված արդյունքների համեմատական վերլուծություն, կատարվել են ստվերային տնտեսության ծավալների հաշվարկները ՀՀ-ում ըստ տարիների: Հաշվարկվել են պետական բյուջեի չստացված հարկերը ստվերային տնտեսության պատճառով 1994-2018թթ ժամանակահատվածում: Կառուցվել են էկոնոմետրիկ մոդելներ, որոնք դուրս բերեցին ՀՀ-ում ստվերային տնտեսության վրա հիմնական ազդեցություն ունեցող գործոնները:

### **ԴԻՏՈՂՈՒԹՅՈՒՆՆԵՐ ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ**

1. Աշխատանքը կշահեր, եթե հեղինակի կողմից կատարած հաշվարկների մեջ ընդգրկվեր նաև 2019 թվականը, մասնավորապես՝ 2019թ. Հարկային օրենսգրքում եկամտային հարկի օրենքի փոփոխության ազդեցությունը ստվերային տնտեսության ծավալների վրա:
2. Ստվերային տնտեսության գնահատումը կատարվում է մի քանի մեթոդներով՝ հիմքում ունենալով ֆինանսատնտեսական, սոցիալական և ինստիտուցիոնալ գործոններ: Աշխատանքը առավել ընդգրկուն կլիներ, եթե ստվերային տնտեսության մասշտաբների գնահատումը իրականացվեր նաև հետանցումային տնտեսություն ունեցող երկրներում:
3. Ստվերային տնտեսությունը առաջացնում է սոցիալ-տնտեսական հետևանքներ, աղքատություն, գործազրկություն և հասարակության շրջանում սոցիալական

65  
63

դժգոհություններ: Աշխատանքը առավել շահեկան կլիներ, եթե աշխատանքում այս խնդիրներին ևս անդրադարձ կատարվեր:

4. ՀՀ-ում ստվերային տնտեսության ծավալների հաշվարկման առումով հեղինակի կողմից հետաքրքրական մոտեցում է ցույց տրվել, և ըստ այդմ, հաշվարկվել են ՀՀ ստվերային տնտեսության ծավալները Վ. Թանգիի կանխիկ փողի պահանջարկի մեթոդի համաձայն: Հաշվարկներում դիտարկվել են 1998-2018 թվականների տարեկան վիճակագրական տվյալները, սակայն, առավել ճշգրիտ արդյունք ստանալու համար ռեգրեսիոն մոդելը կարելի էր գնահատել 1998-2018 թվականների եռամսյակային վիճակագրական տվյալների հիման վրա:
5. Ստվերային տնտեսության մասշտաբների վերլուծության համատեքստում հեղինակը անդրադարձել է վերջինիս ազդեցությանը հարկային համակարգի և հարկային վարչարարության թերացումների վրա՝ անտեսելով սոցիալ-տնտեսական իրավիճակների ազդեցությունը որպես ստվերի առաջացման գործոն:
6. Աշխատանքում բերված եզրակացությունները ընդհանրական են, մինչդեռ դրանք պետք է բխեն խնդրի դրվածքից:

### **ԵԶՐԱԿԱՑՈՒԹՅՈՒՆ**

Ատենախոսության վերաբերյալ կատարված դիտողությունները չեն անդրադառնում հետազոտության գիտական արժեքի վրա և չեն նսեմացնում ատենախոսության գիտական արժեքն ու ստացված արդյունքների նշանակությունը և բացասական ազդեցություն չեն թողնում հետազոտության ընդհանուր գնահատականի վրա:

Ատենախոսության հիմնական արդյունքներն ունեն ինչպես տեսական, այնպես էլ կիրառական նշանակություն, այն ավարտուն հետազոտություն է, որտեղ առաջադրված հիմնախնդիրները, դրանց ուսումնասիրության մեթոդաբանությունը և իրականացված հետազոտությունները կատարված են պատշաճ մակարդակով:

Ատենախոսությունն ավարտուն գիտական հետազոտություն է, որտեղ կատարված վերլուծություններից բխող եզրահանգումների և եզրակացությունների հիման վրա արված առաջարկություններն ու հանձնարարականները, ինչպես նաև ՀՀ ստվերային տնտեսության ծավալների գնահատման և կրճատման մեխանիզմները կարող են գործնականում կիրառվել գործադիր և օրենսդիր մարմինների կողմից:

Ատենախոսության սեղմագիրը համապատասխանում է աշխատանքի բովանդակությանը և իր մեջ ներառում է հիմնական պայմաններն ու արդյունքները: Ատենախոսության հիմնական դրույթները ներկայացված են վեց գիտական հրապարակումներում:

66  
64

Էսթեր Հակոբյանի «Ստվերային տնտեսության ծավալների գնահատումը և կրճատման մեխանիզմները Հայաստանի Հանրապետությունում» թեմայով ատենախոսությունը համապատասխանում է «Հայաստանի Հանրապետության գիտական աստիճանաշնորհման կանոնակարգի» 7-րդ կետի պահանջներին, ինչպես նաև թեկնածուական ատենախոսություններին ներկայացվող այլ պահանջների, իսկ հեղինակն արժանի է Ը.00.02 - «Տնտեսության, նրա ոլորտների տնտեսագիտություն և կառավարում» մասնագիտությամբ տնտեսագիտության թեկնածուի գիտական աստիճանի շնորհմանը:

Ատենախոսությունը քննարկվել է ՀՀ ԳԱԱ Մ. Քոթանյանի անվան տնտեսագիտության ինստիտուտի՝ որպես առաջատար կազմակերպության, «Ատենախոսությունների քննարկման և կարծիքների ներկայացման» հանձնաժողովի նիստում (19.06.2020թ., արձանագրություն թիվ 5):

ՀՀ ԳԱԱ Մ. Քոթանյանի անվ. ՏԻ գիտաշխատող

Տ. Փարսադանյան

ՀՀ ԳԱԱ Մ. Քոթանյանի անվ. ՏԻ գիտ. քարտուղար

գիտաշխատող, տնտեսագիտության թեկնածու, դոցենտ

Ք. Բաղդասարյան

ՀՀ ԳԱԱ Մ. Քոթանյանի ՏԻ գիտաշխատող, տնտեսագիտության թեկնածու Տ. Փարսադանյանի և նույն ինստիտուտի գիտ. քարտուղար, տնտեսագիտության թեկնածու, դոցենտ Ք. Բաղդասարյանի ստորագրությունների իսկությունը «հաստատվում են»՝

ՀՀ ԳԱԱ Մ. Քոթանյանի անվ. ՏԻ տնօրեն,

ՀՀ ԳԱԱ թղթակից անդամ, տ. գ. դ., պրոֆ.

«19» հունիսի 2020թ.



Վ.Լ. Հարությունյան